



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1857

CLXXII. Kurfürst Johann belehnt die von Blankenburg mit der ganzen Burg
Wolfshagen und mit der halben Stolzenburg, am 22. Februar 1491.

Nutzungsbedingungen

[urn:nbn:de:hbz:466:1-54745](https://nbn-resolving.org/urn:nbn:de:hbz:466:1-54745)

CLXX. Notiz über die Belehnung der Muckerwitz mit dem Schlosse Alt-Torgelow und den Zubehörungen in den Dörfern Blumenhagen, Gr. Luckow, Dargitz, Stolzenburg, Breetsch, Trebenow, Krugsdorf, Polzow etc., vom 26. November 1490.

Freitag nach katerine im LXXX jare haben Bertram vnd Frantz, gebruder, gnant die Muckerwitz, zu lehn empfangen das Slos aldenn Torgelow mit sambt allen seinen gutern, dy von alters bilher darzu gehören vnd darzu kauft sind, nemlich in den dorffern Blumenhagen dy helfft, grossen Lukaw den dinst vnd bete, zu Deritz den dinst mit all, darzu etlich bede vnd pacht dorselfst, to Stoltemburg bede, etlich pacht vnd dinst mit all, Breitzk mit etlichen dinsten vf etlich höfen, to Trebenow etlich kornpechte vnd bede, darzu das kirchlehen vnd strassenrecht, to Poltzau den dinst vnd XX marck bede, darto etlich tins, Item krufsdorf, kobelenitz, Jatzenick, dy dry dorper mit allem dinst vnd heidenzins. Item zur Lype den dinst vnd heidzins.

Nach einer gleichzeitigen Notiz.

CLXXI. Kurfürst Johann befehlt dem Henning und Berend von Arnim, das Schloß Boitzenburg auszubessern und verspricht ihnen den Ersatz der Kosten, am 4. Januar 1491.

Wir Johans — Churfurst etc. Bekennen etc. —, Als wir vnserm Rath vnd lieben getrewen hennynck vnd Berend von Arnym vnser Slos vnd Ambt Boytzemburg Ambtmanns vnd pfandtschaft weys eingetan vnd verschriben, Dasselbig Slos bawfellig ist; haben wir Inen beuolhen, das sie das mit notturfftigen bawen versorgen vnd halten. Was sie dann an dem selbigen Slos also notturfftiglichen verbawen, sollen vnd wollen wir oder vnser Erben In oder Iren Erben Inn ablosung des ampts nach erkantnus zweyer vnser Rete vnd zweyer Irer frund mit sambt der haubtsummen zu dancke bezalen vnd widergeben, Inn Crafft vnd macht dits briues. Zu urkunt etc. Actum Coln an der Sprew, am dinstag Circumcisionis domini. Im XCI.

R^o. dominus per se zu Bredickow.

Nach dem Churm. Lehnscopialbuche XXVII, 335.

CLXXII. Kurfürst Johann befehlt die von Blanckenburg mit der ganzen Burg Wolfshagen und mit der halben Stolzenburg, am 22. Februar 1491.

Wir Johans — Churfurst etc. Bekennen —, Das vor vnns kommen sein vnser Mann vnd liebe getrewen Achim, Rymer, popp vnd hafs, gebrüder, vnd Achim, Albrechts seligen Son, die von Blanckenburg gnannt, alle gebrüder vnd vettern, vnd vnns mit demütiger

fleyziger bette angefallen, Inen die burg wolfshagen gantz vnnnd die burg Stolczemburg, die helfft mit sambt iren nutzungen, auch allen andern dorffern, guttern, zinsen, Rennten vnd zugehorungen, nichts nicht aufzgenomen, In massen Ir vatter, seliger, die vonn der Marggraueschafft zu Brandenburg zu lehen gehabt vnd besessen, zu lehen gnediglich zu leyhen. Des wir Ir vleyßig bette auch getrewe dienst, die Ir veter vnnnd sie vnnser herrschafft getan haben, angesehen vnd Inen vnd Iren mennlichen leybs lehens Erben die obgnannten burge vnd gutter mit allen gnaden, nutzungen vnnnd zeugehorungen zu Rechtem mannehne vnd gefambter hannt gnediglich geliben, vnnnd leyhen Inen die Inn Crafft vnd macht dits briues etc. — Actum Coln an der Sprew, am dinstage nach Inuocavit Im XCI.

R^{or}. dominus per se.

Nach dem Churm. Lehnscopialbuche XXVII, 78.

CLXXIII. Kurfürst Johann belehnt Asmus Lintstedt mit einem Hofe zu Woddow, mit der Mühle daselbst und mit verschiedenen Besizungen, am 7. Dezember 1492.

Wir Johannis, von gotts gnadenn Marggraue zu Brandenburg etc., Bekennen —, das wir vnserm lieben getrewen Asmus lintsteden vnd seinen rechtten menlichen leibs lehens erben disse nachgeschriben guter, Jerlich zins vnd Rent zu rechtem Manlehn gnediglich geliben haben, mit nahmen Im dorff Weddow einen hoff, da er selbs auff wonet, mit Sechs huben vnd allem rechte, vnd ein kossaten erb nechst bey seinem houe mit allem rechte, Die Molle zu Weddow mit allem rechte vnd drey Wurde Im huerdorff; Im dorff Wolczkow funff huben mit allem rechte vnd vir Wehre vnd ain kossaten erb; Im dorff Czuzdzum vir houe mit acht huben, mitt allem rechtt; Im dorff damerow, zwen houe mit vir huben mitt allem rechte; Im dorff Nydem drey houe mitt Sechs huben, mit allem rechte; vnd ein kossaten wehr mit allem rechte: vnd leyhen dem obgenannten Asmus lintsteden vnd seinen rechtten menlichen leibs lehens erben die obgeschriben guter zu rechtem Manlehen In craft vnd macht dits briues etc. — Actum Colln, am Freitag nach Nicolai, Im XCII.

R^{or}. dominus per se.

Nach dem Churm. Lehnscopialbuche XXIX, 21.

CLXXIV. Lehnbrief des Kurfürsten Johann für Werner von der Schulenburg zu Locknitz über verschiedene im Uferlande erkaufte Besizungen, vom 8. Dezember 1492.

Wir Johannis, vonn gotts gnadenn Marggraue zu Brandenburg etc., Churfurst etc., Bekennen —, das wir vnserm Rath vnd lieben getrewen Werner von der Schulemburg zur locknitz vnd seinen menlichen leibs lehens erben zu rechtem manlehen gnediglich geliben haben disse hirnachgeschriben guter, Jerlich zins vnd Rent, nemlich Im dorff Walmow auff Pawell